

STJÓRNARTÍÐINDI B 92 – 2000

4. september 2000.

1915

Nr. 625

REGLUGERÐ

um verndun smáfisks við togveiðar norður af Vestfjörðum.

1. gr.

Allar veiðar með fiskivörpu eru bannaðar á svæði norður af Vestfjörðum, sem markast af línu, sem dregin er milli eftirgreindra punkta:

1. 66°36'40N – 23°42'50V
2. 66°57'00N – 23°22'00V
3. 67°11'00N – 21°20'00V
4. 67°10'00N – 20°32'00V
5. 66°54'47N – 20°39'00V

6. 66°53'60N – 20°52'33V
7. 67°04'00N – 20°42'00V
8. 67°06'50N – 20°48'50V
9. 67°02'00N – 22°00'00V
10. 66°57'50N – 22°00'00V

2. gr.

Þrátt fyrir ákvæði 1. gr. eru veiðar með fiskivörpu heimilar á svæðinu, sé varpan búin smáfiskaskilju í samræmi við ákvæði viðauka við reglugerð nr. 486, 4. ágúst 1998, um gerð og búnað smáfiskaskilju.

3. gr.

Heimildir til veiða með fiskivörpu á framangreindu svæði takmarkast af ákvæðum laga nr. 79, 26. maí 1997, um veiðar í fiskveiðilandhelgi Íslands og reglugerðum settum með stoð í þeim lögum.

4. gr.

Með mál sem kunna að rísa út af brotum á reglugerð þessari skal farið að hætti opinberra mála og varða brot viðurlögum samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands.

5. gr.

Reglugerð þessi er sett samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands til þess að öðlast gildi 6. september 2000 og birtist til eftirbreytni öllum þeim, sem hlut eiga að máli.

Sjávarútvegsráðuneytinu, 1. september 2000.

F. h. r.

Þorsteinn Geirsson.

Þórður Eyþórsson.